

大日本史

七十一


第一百六十九卷 列傳
 楠正成
 第一百七十卷 列傳
 名和長年 兒島高德
 土居通治得能通言
 第一百七十一卷 列傳
 菊池武時 結城宗廣

和書門	二〇二五
類	八
號	三
函	二
架	五〇
冊	一

内閣文庫	
番號	和 20258
冊數	150(71)
函號	138 105


内閣文庫	
和書	二〇二五
類	八
號	三
函	二
架	五〇
冊	一

架冊〇五
 六五歴和



大日本史卷之一百六十九

淺草文庫



權中納言從三位源光圀采修

男權中納言從三位綱條校

玄孫權中納言從三位治保重校

楠正成

子正行 族正家 和田正遠

田正武 賢秀弟 正朝 和

橋本正茂 和 橋本正忠 高 橋本正員 惟

楠正成河内人、左大臣橋諸兄之裔也、世居

金剛山西太平記圖楠父曰正康系圖○按今

本互有異同謬誤蓋後人之所作也然無他可據故姑從一本其妻禱志貴

山毘舍門而生正成故小字曰多聞太平記

長為兵衛尉梅松論太平記元弘元年帝避

北條高時兵幸笠置寺四方少勤王者帝頗

憂之適夢紫宸殿前庭有一大樹南枝最榮

樹下設南面座百官班列忽有二牛角來跪

指座泣奏普天之下無處容聖體唯此座可

以坐也覺而自占木傍南楠意將有楠氏者

出俾朕再正位南面也召寺僧快元快元據

太平記問之對以正成帝謂所夢殆是遣藤原

藤房徵之正成即詣行在帝使藤房傳命曰

卿應命即至允足深嘉今日之事一以煩卿

卿其有何策以決廟勝詳陳其所見正成對

曰逆賊暴虐自取禍譴天討所加莫不勝也

但東兵勇而無謀若以力爭則武藏相模之

兵天下無敵焉以謀屈之則易與也然成敗

兵家常事或遇小衄願勿煩聖慮有臣存焉

何患不濟、辭歸城赤坂、城方可二町、三面平

地、守者僅五百人、取民儲以充兵食、太平行

在有急、則將迎駕於此也、增鏡版築方畢、太平

而賊將大佛貞直等攻陷笠置、乘勢奄至、取參

保曆間記、元弘日記、裏先遣弟正季、正一作及和田正遠、以兵三百、伏

城側山中、賊視城小、易之曰、直用隻手提去

耳、輒薄埤急攻、城兵亂射雨注、殺傷千餘人、

賊驚沮而退、脫甲解鞍、為下營計、正季等瞰

之分兵為二、鼓噪而進、城兵連鋒突出、合勢

奮擊、賊狼狽而走、器械鞍馬、委棄載路、尋復

來攻、圍數重、正成豫為機壁、俟其四面爭登

而斷索、因連投巨木石、壓殺七百餘人、賊更

蒙盾競進、鐵搭鉤埤殆壞、城中乃以長柄杓

沃沸湯、賊皆傷爛、自是退守營柵、計持久以

困之、初正成之築城倉卒、儲糧不多、至此謀

于衆曰、我數有利、而賊勢不挫、內乏資糧、外

無救援、欲率先天下、以建功業者、死固所不

顧也、雖然臨事而懼、好謀而成、亦智士之所尚、我今陽死、賊必引歸、歸復聚眾而出戰、我逸彼勞、制勝之道也、眾皆然之、是夜會風雨晦冥、咫尺不辨、正成爲一大坑、填以死屍、積薪于上、留一卒戒曰、候我行遠、放火燒城、乃與眾三五分伴、潛過賊營而行、賊不之覺、及火起、爭入城、見坑中焚屍、以爲正成真死、引兵旋于關東、正成乃匿金剛山、北條仲時北條時益遣湯淺定佛守赤坂、二年車駕西狩


隱岐、所在官軍皆解、夏正成以兵五百出攻赤坂、定佛督邑民、夜輸糧米、正成謀知、邀而奪之、更苞戎具如米囊、使卒三百陽爲輸夫、擔致城中、別出兵爲追擊之狀、城中望見、以爲輸夫爲敵所追、乃開門納之、既入披甲譟叫、外兵應之、折關竝攻、定佛遂降、正成并其兵、徇和泉河內、進屯渡邊橋、京畿大震、仲時時益遣隅田通治高橋宗康將兵五千餘來攻、正成分二千人爲三、伏天王寺側、弱卒三

百守橋、皆羸馬繩轡、及戰輒走、誘賊窮追、比
過天王寺、伏兵竝起、賊大敗走、爭渡橋、溺死
無算、逾月、仲時時益、又遣宇都宮公綱、以兵
五百來攻、和田孫三郎謂正成曰、隅田高橋
五千兵、我已破之、乘此新勝、以拉公綱、何難
之有、請出兵逆擊、正成曰、兵在和不在多、公
綱坂東驍將、從以紀清兩黨、且彼承敗、衄之
餘、僑軍孤進、志在必死、我能拒之、所亡亦多、
天下之事、豈止今日、宜愛士力、以圖後舉也、

我今輸彼一籌、引退數日、出奇誑之、則坂東
慄急之士、氣索而去矣、所謂見小敵怯、見大
敵勇、不戰而屈人之兵者也、棄陣而卻、居數
日、遣卒三百及民兵數千、大然炬火、星布山
澤、如此連夜、滋多滋逼、公綱勒兵嚴備、意其
衆日盛也、終潛引還、正成復入天王寺、請寺
僧觀上宮太子未來記、其文曰、當人王九十
五代、天下一亂而主不安、此時東魚來吞四
海、日沒西天、三百七十餘日、西鳥來食東魚、

海內歸一、正成悅曰、讖文所謂、人王九十五
 代、即今上也、東魚吞四海、相模入道是也、西
 鳥食東魚、當有起兵滅關東者也、日沒西天
 三百七十餘日、指上在隱岐、歸闕反正、當在
 明年春也、因以金裝刀與僧、益優厚士卒、禁
 止暴掠、遐邇歸望、兵勢彌張、太平尋還金剛
 山、城千劍破、據之、增鏡、天正本、太平記、保曆間、使平野將
 監守赤坂、太平記、成遣第五郎守赤坂、明年春、高
 時復大發兵、遣二階堂貞藤圍護良親王於

吉野、大佛高直攻千劍破、阿曾時治攻赤坂、
參取保曆間記、神明鏡、元弘日記裏書、○按
 見行本、太平記及諸異本、攻金剛山及赤坂
 諸將、互有異同、平野將監拒守旬餘、城有暗
 渠、為賊所泄、時又久旱、兵士困渴、賊仍以火
 箭焚樓櫓、將監力盡而降、賊送六波羅斬之、
 會貞藤陷吉野、親王南走、貞藤與時治兵、悉
 集千劍破、軍聲大熾、城東西臨谷、南北蔽峯、
 斗拔數十仞、周可一里、賊恃其衆、蟻附急攻、
 城中大發矢石拒之、賊死傷無算、令吏十二



人注之、三日夜不絕書、乃令軍中禁擅進、安營環守、城有泉五道、每日得水五斛許、正成患其乏、作大槽數百貯水、汨以黃土養其性、每雨引屋溜於槽、水常得足、而賊疑其外汲也、令名越越前守兵三千守東溪、正成伺守者稍怠、黎明出兵擊走之、獲其旗幕、翌日張之城上、呼曰、此昨日名越殿所遺、煩部下人願來取之、越前守愧忿、率兵五千、拔柵進薄、城兵下巨木、又從櫓連射、賊死傷略盡、懼不

敢攻、益成持久之計、正成乃縛藁人數十、被甲持兵、夜置城外、壯士五百潛蔽其下、昧爽鼓譟誘賊、伺其來擊、徐發數箭、逡巡入城、時方昏霧、賊衆不曉、競赴藁人、城上乃連下巨石、殺傷八百餘人、賊爲飛橋欲騰入、城中叢擲火炬、唧筒灌油、橋燒斷、賊墜崖谷、焚死數千人、會近郡民兵奉護良親王令、截賊糧道、賊兵大困、逃亡相繼、仲時時益又遣宇都宮公綱助高直、公綱以手下兵千人疾攻、不能

拔會帝幸伯耆諸將攻克六波羅賊皆解圍而去車駕還闕正成乃率兵七千迎謁于兵庫帝親勞之曰大業速成皆卿之力正成拜謝曰不賴陛下威靈臣曷得出重圍復有今日詔前驅入京師後高直等擁餘衆在柰良謀犯京師正成與左近衛中將源定平討而降之建武元年討僧憲法于飯盛山平之太平記以功授檢非違使左衛門尉兼河內守太平尉記建武二年記左衛門尉據河內金剛寺文書為攝津河內和泉守

護攝津兵庫廣巖寺靈牌僧明極行狀○梅松論為河內和泉守護太平記為攝津河

內稱河內大夫判官建武二年記高野山金剛峯寺文書尋為

記錄所寄人直雜訴決斷所預議將士恩賞

事建武二年記二年新田義貞東討足利尊氏正

成與諸將留衛京師延元元年尊氏犯闕正

成以兵五千禦于宇治尊氏兵攻大渡官軍

敗績帝幸延曆寺正成乃與諸將守行在與

新田義貞結城宗廣名和長年等攻尊氏正

成放火出雲路自糺森進豫設輕盾數百枚

遇賊馳突、乃鐵勾相連、蔽以發射、輒縱精騎乘之、賊披靡而卻。是日諸軍獲捷、尊氏西走。遇日暮、正成謂義貞曰、今日破賊、殺獲莫幾、而不知尊氏所在、以此少衆、頓留京師、恐士卒貪財、四出不收、豈得無反襲之虞如前日事邪、且賊乘勝機、後恐難制、莫若旋軍養力、一舉而驅之數十里外也。義貞從之、引還。尊氏復入京師、翌日正成遣僧數十人于戰場、歷索死屍、佯泣曰、昨新田北畠楠氏等七將

戰歿、將求骸收葬、賊聞以爲信然、乃取屍首似義真正成者梟之。於是正成與諸將潛軍夜發、別遣卒持炬、遵山西行、綿綿相屬。賊軍望之、告尊氏曰、官軍失將領、今皆亡去。尊氏遣兵要諸道、餘衆不復警備。詰旦正成等進入京師、放火掩擊、賊軍大潰。尊氏竟西走、遺棄器甲載路。正成遂與諸將追至豐島河原、與足利直義戰。正成引兵出賊後、直義不戰而退。與尊氏航海遁。太平記正成還、直武者所

建武二年

夏尊氏直義引大兵水陸竝東義貞

拒之兵庫詔正成援之正成奏曰賊收九州軍勢必猖獗以我疲兵恐不能當之宜召還義貞車駕移蹕山門縱賊入京師而臣還河內招聚畿縣兵塞河尻絕糧運待其疲散然後前後齊進可一舉而斃也揣義貞之計亦當及此但不戰而退涉于物議故不輒歸耳夫戰者雖始之或負欲終之有利請加重思藤原清忠以謂宜速遣正成決戰都外帝從

其言正成卽以五百騎上道至櫻井驛以所賜菊作刀與子正行戒以滅賊匡天下遣還河內遂進陣湊川以當尊氏陸軍義貞陣和田碕以禦水軍尊氏先鋒細川定禪率舟師向紺邊義貞拔軍赴拒而尊氏全軍旣登兵庫正成望之謂正季曰我軍隔絕賊滿前後智計窮矣乃赴直義陣縱橫奮擊幾獲直義尊氏遣六千餘人斷軍後正成回戰數次士卒殲盡躬被十一創退入民屋謂正季曰今

日送死九泉、吾子欲何所託魂、正季笑曰、願

七生人間、以滅賊徒、正成怡然、與之交刺死、

族十三人、或云十人、殘兵六十餘人、或云五十餘人、割

腹竝斃、太平記云、僧明極行狀、正成軍敗、帝

追悼不已、贈正三位左近衛中將、靈牌、僧明

梅松論曰、尊氏走筑紫、自是朝廷恬然無虞、

正成上奏、宜誅義貞而招尊氏、與之輯、若

須使命、臣請往焉、衆皆嗤之、正成私言、朝廷

得滅北條氏、實尊氏之功、天下將士莫不屬

心、故官軍雖勝、應者常寡、尊氏雖敗、從者每

衆、彼必懷柔西國、期月奄至、不可禦矣、既救

拒尊氏、正成到攝津、尼碕、還奏曰、曩臣私據

金剛山、義合國中、得以濟功、此民心屬、王室

猶有難色、此民心離、王室也、戰必敗矣、按梅

也、今臣以本國守護、承敕召兵、而雖臣親戚、

松論足利氏家臣、所撰、故援正成、以蔽尊

氏之惡、不足信也、今併記、以辨其誣、妄、尊

李稱七郎、為帶刀、太平記直窪所及武者所、建

二年初從正成勤王、頗有功、太平記正成子正

行、正時、正儀、正儀自有傳、正成子正

正行、父死時年甫十一、奉父遺誠、追念不已、

-5 165 35 845" data-label="Text">

兒戲常、仆羣童為斬敵、走竹馬、以為追尊氏

-45 165 75 845" data-label="Text">

者、太平記既長、為帶刀檢、非違使、左衛門尉、兼

-85 165 115 845" data-label="Text">

河內守、參取楠氏系圖、梶川系後醍醐帝出

圖、太平記、觀心寺文書

花山院御内山、正行與和田次郎等來赴、及
帝崩入宿衛、後村上帝踐阼之初、屢出兵住
吉側、以挑敵軍。太平記正平二年、發兵赴紀伊、
圍隅田城、尋還河内、討池尻賊、更進攻矢尾
城。和田書足利尊氏遣其將細川顯氏、以兵三
千來攻河内、距金剛山七里而舍、聞正行將
攻矢尾城、謀候其出遠、徑至金剛山下、斷後
鑿之、正行探聽、率兵七百、佯向矢尾、縱火所
在、潛還蔽譽田林而陳、顯氏望煙、以為敵果

攻矢尾、乃馳至譽田河原、駐軍西向、俄而正
行從後叫呼突出、顯氏大敗、直奔保天王寺。
異本太平記山名時氏以兵六千援顯氏、屯住吉、

正行料先破住吉、則天王寺兵可不攻而自
退、乃分兵二千餘為五隊、放火民舍而進、望
敵軍塵揚、以謂彼陣四處、而兵倍於我、不宜
分隊、復併五隊為一、大戰破時氏于瓜生野、
餘衆隨潰、至渡邊橋、溺者無算、時氏被創走、
園太平記尊氏憂懼、乃令高師直及弟師泰發

御覽卷之九十一 列傳 十一

兵六萬來攻、正行與弟正時和田賢秀等百四十餘人、歃神水誓以共死、歃神水據天詣正本太平記行宮奏請、曩者先臣正成、展微力夷強賊、以安宸憂、無幾天下復亂、逆徒來攻、終致命於湊川、臣時年十一、遺言遣還河內、糾合族黨、欲其除滅朝敵、俾宇內再歸皇化也、臣年既壯、常恐以有待之身、遽嬰不測之疾、上而為不忠之臣、下而為不孝之子、方今師直師泰、將來犯實、臣報效之秋矣、若非獲彼首、則授

臣兄弟首於彼、雌雄之決、在此一戰、願得一拜龍顏而去、言畢泣下、帝親臨、口敕曰、前日二戰、每得克捷、汝累世武功、殊可嘉尚、聞賊復盡兵來犯、事勢固弗輕、雖然、知進而進、欲不失時也、知退而退、欲圖全也、汝朕之爪牙、慎當自愛、正行頓首而出、率眾拜後醍醐帝、廟告曰、戰如不利、不敢生還、叩鐔而起、叩鐔據異本太題同盟姓氏於如意輪堂壁、書歌於其後、曰、加倍羅自斗、加禰氏於毛倍波、阿豆佐

大日本史 卷之九十一 列傳 十一

由美美○毛利家本太平記作阿豆佐由柰岐

加儒珥以流柰烏層斗度弁流各截髮納于

佛殿而後發帝使中納言藤原隆資援之明

年正月高師直入河内分兵六萬陣伊駒山

南及飯盛山外山四條暇四處師直將餘軍

居後隆資率兵三千陽為向飯盛山以縻敵

軍正行兵三千由四條暇而進飯盛山敵望

之、分兵遮擊正行以先鋒敗之後軍與四條

暇敵戰殺傷相半飯盛山伊駒山敵兵前後

奄至後軍敗走正行不顧以兵三百直前奮

擊大敗師直兵聚兵亡百餘人馬皆被數矢

衆乃下馬據壘坐食食畢步進接戰益勵遂

迫師直陣上山高元偽稱師直冒陣戰死其

甲鏤連環即高氏家紋也正行大喜擲首空

中手承者一再既而知其偽乃投首於地蹴

且罵曰汝上山高元邪汝亦無雙朝敵勇則

可賞乃斷衣袖裹首置于壘上此日自巳至

申戰凡三十餘合殺傷數百千人我兵死亡

略盡、乃與餘兵五十餘人、負盾佯走、以誘師直、敵覺之、遣支兵三百追之、正行返戰、斬五十餘級、遂前復迫師直軍、而正行正時體中數箭、兵皆重創不可用、正行乃呼曰、事畢矣、莫為賊所獲、與正時交刺而斃、時年二十三、太平記諸本為二十五、今據毛利家本太平記、園太曆細細要記、定為二十三、從兵皆自殺、其他宗族紀六郎左衛門○或作和及二子、野田四郎及二子、三輪西阿及子、關地良圓、金岸○或作金庭、又禁峯、兄弟、畠山與三、畠

山六郎、河邊石掬丸、○掬或作掬阿間了願、譽田

某等二十三人、從兵凡百四十三人、○一作五百、或

作三悉戰沒、瓜生野之戰、正行援敵溺卒五

百人、給衣藥視養數日、因授鎧馬禮而遣之、


敵或感恩來降、及戰四條畷、從死者頗多、平太

記正行嘗朝吉野、路遭高師直誘出宮女辨

內侍、遣卒迎之、內侍在輿中悲泣、正行悉斬

其卒、送還以聞、帝詔即賜內侍、正行辭以歌

曰、斗氏毛余珥、柰我良布倍玖毛、阿羅奴美



能加利能知岐利乎以加傳牟須波牟至是

竟戰死拾遺野

正家為藏人任左近衛將監常陸川記太平記

書延元元年代正成將兵赴常陸常陸院文書常

陸清音寺文書城瓜連地據焉賊兵來攻正家逆擊

破之斬賊將佐竹義冬及後藤基明聲勢大

振入野七郎次郎等來屬參取常陸藥王院

原文書桐原系圖明年從鎮守府將軍源顯家西上川今

記後與正行俱拒高師直於四條畷不克死

之太平記

和田正遠稱五郎太平記本年書或作正隆今

和泉人天野金剛寺文書正成之族也太平記建元

弘初從正成起兵軍功居多太平記延元中直

武者所建武二年記後戰死湊川太平記

和田賢秀賢源幼而薙髮稱新發意正平

中從正行與細川顯氏等戰于住吉賢秀力

戰手斬數十人敵軍敗走追斬山名兼義及

高師直來攻賢秀與弟正朝等從正行詣吉

野行宮廷辭與同志士百四十餘人俱誓死而進大戰四條畷賢秀善用眉尖刀所當無前既而正行等自殺從士皆盡賢秀獨混敵兵狙師直相距數步正行部下湯淺太郎左衛門彙降在師直軍視賢秀從後斫其足踏之就斬其首賢秀怒視湯淺目光如炬死猶不瞑湯淺得疾俯仰視賢秀張眼嗔已聞七日而死太平記弟正朝島津文書正朝異本太平記或作正高高家時宗為兵宗秀行忠今從見行本太平記

衛尉左詳稱新兵衛島津文書與兄賢秀從

正行討高師直於四條畷大敗之鼻田作畷

田職俊名據金勝院望視師直旗幟欲追之

正朝曰彼騎而我步追不可及我如陽走彼必來追來即返戰則可獲師直也乃與殘兵五十餘人負盾退高師直以兵三百躡後正朝返戰又破之既而從兵悉歿正行等亦皆死正朝欲還秦其狀南向單行阿保忠實疾呼曰子之族皆死子何忍獨走正朝揮刀赴

之忠實迴馬却走正朝去則復追之如此數
 次會敵兵馳至射正朝正朝被七矢遂為忠
 實所殺太平記 和泉守及後醍醐帝崩與正行
 俱入宿衛正平五年足利義詮兵犯天野
 行宮正武與正儀據赤坂城拒之敵來圍數
 重正儀欲棄城退保金剛山正武不肯曰勝
 敗戰之常也當戰而退勇士不為我請率兵
 試之不克則退亦未晚也乃乘夜襲敵營不

克斂兵而退敵卒二人混入城中正武還令
 眾唱軍號以坐作敵卒不應乃執而殺之夜
 與正儀俱走入金剛山又從攻佐佐木秀詮
 等斬之十七年又與正儀擊攝津守護代箕
 浦俊定走之尋與石塔賴房及正儀攻赤松
 光範進至湊洲燒兵庫民家光範據多部田
 城固守乃引兵還太平記 正儀後出降于足利
 義滿正武率宗族屢攻之花營三代記 及敵迫天
 野行宮正武與前內大臣藤原隆俊拒之木

大日本史 卷之百六十九 列傳 三十一

文官軍遂無利帝還幸吉野鳩嶺雜事記正

武不知所終太平記

和田正忠稱五郎北條家本正平七年帝親

御軍並忠與楠正儀為先鋒攻細川顯氏于

涼師破之正忠部卒斬細川賴春是利義詮

走近江車駕進次男山義詮尋以大兵犯行

在敕正儀正忠逆拒時正儀年二十三正忠

甫十六以年齒尚弱又皆危之正忠入奏曰

元弘以來臣等門殆為此賊所殲臣今日為

國討賊為父兄報讎苟不斬賊一將則不復

還謁矣與正儀將兵三千拒守荒阪山敵驍

將土岐康貞揮刀而進正忠與鬪斬之詣行

在以聞帝大褒獎尋奉詔與正儀還河內圖

再舉會病暴卒太平記

橋本正員員一作貞稱八郎太平記和泉人楠正

成族也和田系圖裏書文佐美正安為河內

守神宮寺正師稱太郎兵衛太平記本書佐

據和田系圖裏書文及亦皆正成族也天正本金勝院本太平記

大日本史 卷之百六十九 列傳 三十一

川之役、各率其徒赴之、和田系圖及戰敗、三

士竝死之、太平記

橋本正茂、稱九郎、為左衛門尉、楠正成之戰

歿、攝泉之際、賊兵大起、畠山國清圍大冢、惟

正于八木城、時正茂與中院右少將○姓陣

天王寺、乃俱率兵赴援、國清敗走、和田系圖

延元三年、鎮守府大將軍源顯家出陳和泉、

使弟顯信據男山、元弘日記裏正茂與左兵

衛尉和田正興舉兵應之、圍丹下城、攻之數

日、進燒高安壘、既而顯家戰歿、正茂等旋軍

救男山、敵兵遮路、正茂轉戰而進、未至男山

失守、正茂迴兵攻松原野田等敵營破之、和田

系圖裏後醍醐帝崩、人心危懼、正茂與其宗

族輔正行勤王、太平記正平初、薙髮、觀心寺不

知其所終、太平記

橋本正高、正平中為檢非違使、稱新判官、觀心

寺文書太平記、正高、畠山國清發大兵西上、

將犯行在、楠正儀和田正武修赤坂城據之、

大日本書紀 卷一百六十九 列傳 三十一

令正高等築平石城、以五百餘兵守之、其餘將士各守近里壘、壁既而國清分兵來攻、諸砦竝陷、正高與正儀等退保金剛山、十六年從正儀攻佐佐木秀詮弟氏詮於攝津、破之、又從攻復京師、無何棄京南歸、太平記尋為民部大輔、正儀出降、正高與和田正武等攝河內和泉事、金剛寺文書觀心寺文書二見文書文中中官軍屢失利、帝遂避天野幸吉野、鳩嶺雜事記、花營三代記、後深心院關白同族宮內大輔正督等叛降敵、花營三代記


正高不屈、天授四年起兵于紀伊、攻細川業秀敗之、業秀據城固守、於是足利義滿遣大兵救業秀、正高逆戰無利、乃引兵去、花營三代記、關岡家始末、及敵班軍、又聚兵攻業秀、業秀逃淡路、正高歸和泉、據土丸城、令子姪分守近里壘、壁、五年敵將山名義理、山名氏清等來圍土丸城、防戰失利、姪某死之、遂捐城而逃、明年復與氏清戰和泉、不克死之、宗族三人及上神下村毛穴礮部櫻井等諸士盡鬪死、花營三代

大日本書紀 卷一百六十九 列傳 三十一

記
 大冢惟正、楠氏族也。任掃部助。為和泉守護。代從正成赴湊川役。及戰敗。引還。賊將畠山國清發大兵挑戰。惟正與八木法達等防之。兵寡不敵。退保八木城。國清進攻。接戰累日。既而中院右少將及橋本正茂等來援。內外夾擊。大敗之。國清逃去。明年與法達等率兵至河內。築寨于古市。據焉。丹下西念來攻。出擊卻之。尋細川賴氏、細川直俊亦來攻。逆擊

之于野中寺傍。賊軍敗走。惟正追至藤井寺西。血戰數刻。遂斬細川直俊。引兵還和泉。據卷尾寺為壘。率兵屢攻宮里城。更遣兵火賊徒家。和田系圖裏書文書。賴氏直俊據尊卑分脈。後從正行拒高師直兵。被重創。馬斃不可復戰。會有逸馬。騎而逃數里。聞宗族盡死。迴馬接敵。遂戰死。太平

大日本史卷之一百六十九終



和人以村上皇子具平親王之裔又稱村上
氏父曰行高名和家譜曾祖行秋承久之役勤王
禦賊於宇治參取伯耆卷船上錄長年為名和地頭為
人勇健善射資產饒贍宗族彊盛為國人所
畏服元弘三年帝在隱岐衛士多效忠款者
帝因問近國誰可託大事皆對以長年長年
弟行氏亦在衛中帝乃召見使還諭長年奉
迎行氏值風不能發而帝先已與左近衛少
將源忠顯航海至伯耆遣成田小三郎造長

年家

○梅松論
作遣忠顯

傳旨曰朕至自隱岐將倚賴

卿卿若不奉詔速報鎌倉長年流涕曰天子
託以大事何敢辭之臣必以死報乃聚子弟
告之子弟皆奮曰吾輩之勇鄰國所知賊縱
蒙鐵盾來攻吾能射洞之數日之間吾族悉
聚賊縱舉天下來攻吾何畏焉伯耆卷○太
平記曰帝遣
使造長年家長年適聚族人宴飲沈思未對
弟長重進曰士之所重名也今以萬乘之尊
忝委託于我我輩橫尸戰場播聲後昆耳度
追兵當至宜先奉駕入船上眾皆奮從未
是孰長年乃率眾奉迎伯耆卷梅松論南都
本天正本太平記○

見行本太平扶帝上馬赴船上山帝疲甚欲
記作長重
以明日幸船上長年進曰此地密邇賊境今
不速進則臣等將為賊騎所蹀躞矣陛下亦
不自奮何以蕩平海內帝乃進至山麓衆縛
木為御輿從西坂登俄而有衆從後至帝驚
以為賊乃長年弟僧源盛及大山寺僧徒也
遂御山上佛寺伯耆卷長年募邑民能運我倉
穀於船上者人給錢五百即日致五千餘石
乃火其家以百五十人守船上伐木為寨撤

屋材代楮弟氏高以松煙薰布畫近國將士
旗號以作疑兵氏高據伯耆卷○翌日佐佐

木清高與佐佐木昌綱以兵三千來攻望見

旌旗不敢進長年以兵寡令皆伏於樹陰數

出射手發矢以待日暮莫不命中中必洞甲

昌綱中矢死佐渡前司○姓陣山後以兵八

百來降清高不之知麾衆競進長年射殺四

人遇日昏雷雨驟至衆乘之突擊賊崩潰死

傷填谷清高僅以身免於是近國將士數萬

大日本書紀卷之百一十一 聖德太子本紀下 三十一

望風來集、遂遣源忠顯及長年子義高收復
京師、參取太平記、伯耆卷帝召長年問其祖先、長年對
曰、臣祖先昔在京師、會山僧奉神輿入京師、
臣祖射殺甲士二人、僧徒逃去、天子詔褒獎
之、其後承久之役、勤王、繇此失邑、帝歎曰、累
世忠義、可謂偉矣、顧長而高者危、乃賜今名、
敘從四位下、任左衛門尉、兼伯耆、帝謂長
年曰、朕之出隱岐、無舟、何以濟海、無卿、何以
破賊、而地又名船上、卿其以舟為徽號、乃親

畫帆舟賜之、伯耆卷製文及和歌、具述風濤

漂泊之艱、以稱長年功、曰、朕將垂示卿忠於

萬世子孫、勿忘正直、以報國、後醍醐帝賜長年宸翰帝

得京師捷問、欲即歸闕、詢之羣臣、勘解由次

官藤原光守曰、六波羅雖敗、鎌倉未舉、賊勢

猶熾、世言東八州可敵天下、一鎌倉可敵東

八州、是以承久之役、誅伊賀判官、為力太易、

及與鎌倉兵遇、輒便敗折、今我所得、裁什一

二、宜駐蹕于此、以觀東國之變、太平長年亦

大日本書紀卷之百一十一 聖德太子本紀下 三十一

止之、伯者帝親筮之、遇師上六、乃決意治行、

太平記令長年帶劔侍衛、太平記建武元年以

功為因幡伯耆守護、太平記尋為記錄所寄人、

直雅訴決斷所預將士恩賞事、建武二年新田

義貞之東征、長年與楠正成等留衛京師、延

元元年足利尊氏犯京師、長年以二千人扼

勢多橋、聞諸軍敗、車駕幸延曆寺、乃以兵三

百還京師、賊認帆舟徽號遮擊、長年轉戰十

七合、死者過半、遂造禁門、見宮闕無人、回顧

涕泣遂行、○按西源院本云、長年恐宮詣行

在、與諸將戮力擊尊氏走之、護駕而旋、及尊

氏再至、又從駕延曆寺、尊氏兵犯東坂、長年

與脇屋義助等擊卻之、又與新田義貞攻尊

氏於京師、比過白鳥、路人相語曰、三木一草、

僅存一木、長年聞之、謂輿論嘲我死晚也、戰

儻不利、今日死矣、蓋結城伯耆楠千種當時

功臣、竝承恩眷、故世稱為三木一草云、城耆

訓讀相通種及戰敗、諸將引還、長年閉後街

與草相通種

六十一
五

門以絕走路與從弟信貞等及兵二百人力

鬪而死太平記從弟信貞據伯耆卷三子義高基長高光

義高初從北條高時軍往攻千劔破城及長

年舉義得報拔歸帝召見大悅與父從駕赴

京師敘正五位上為檢非違使太平記尋直武

者所建武二年記後與從弟義重從源顯家戰死

堺浦年三十七基長稱孫三郎長年迎帝赴

船上遂謂基長曰汝為我還家處分家事基

長曰賊兵將至兒柰何離左右仗義殉節是

兒所願家事委之家眾長年曰否吾愧使賊

徒蹂躪我家汝往矣家眾不能也基長乃還

火其家以母及家人至船上及清高來攻基

長率眾奮戰走之眾追擊基長呼曰彼尋來

降何須窮追眾乃止降者果多而鹽治高貞

未至長年令基長擊之高貞聞之懼而來降

伯耆卷基長後為僧居高野山名和高光幼名

乙童丸船上之戰高光年十四先眾奮戰殺

敵頗多帝引見大悅賜所御黃楊櫛以為行

大日本史 卷一百七十一 列傳 六

大日本史 卷一百一十一 列傳 六

賞之信伯耆後敘正六位上與父從駕延曆

寺戰沒伯耆卷名和系圖○太平記云長年

亮某從懷良親王子西海而系圖不載今按

系圖長年第二親王子即基長而基長子曰顯長

顯秋訓讀相通疑太平記義高子顯興實基

顛倒其名誤為長年子也長所生敘從四位下為檢非違使彈正大弼

伯耆守從四位下正平十三年率族人往肥

後從征西將軍懷良親王勤王居肥後八代

城名和家譜正平十三年誤名和氏族在西海

者始見太平記正平十年長年從子長重

四年略與武朝申狀合

長重稱太郎左衛門○太平記載小太郎左

家譜不載長重即從子也太平記又有太郎

左衛門長生而其事與伯耆卷所載長重事

合則長生長重蓋一人從長年舉義戰于京

師正平七年足利義詮犯男山行營長重與

族人長氏從在營中敵來薄長氏戰死已而

車駕衝圍還賀名生事急主者委神鏡櫃于

田中而去長重乃下馬脫甲負櫃而走敵追

射如雨長重僅免而還櫃板脆薄矢中者十

餘遂不能洞人以為異焉參取太平記伯耆卷名和系圖是

大日本史 卷一百一十一 列傳 六

大日本史 卷一百一十一 列傳

歲長年族人與敵戰於伯耆自三月至四月、名和長信、名和高政、名和五郎及弟興村、名和行貞皆戰死、名和系圖

兒島高德稱備後三郎、備前人也、姓三宅、父曰範長、稱和田備後守、太平記高德夙好讀書、

天正本方後醍醐帝在笠置、謀聚兵勤王、太平記帝賜以錦旗、天正本既而行在失守、車駕

西遷、高德乃聚族謂曰、志士仁人有殺身以成仁、我欲奪駕於途、奉以舉義、儻事不濟而

死、亦足以耀名、眾奮從、俱上舟坂山候之、聞護送兵轉出山陰道、乃復詭道至美作杉坂、

則車駕既過遠矣、眾於是散去、高德冀得見帝、道其衷、獨羸服踵後、數日不得聞、乃夜入

御館斫櫻樹、天正本金白而書之曰、天莫空勾踐、時非無范蠡、衛士無識字者、白之帝、

帝亦不知何人所為、然心忻然、竊自喜、及帝在船上、高德與範長率其族詣焉、遂屬左近

衛中將源忠顯、攻六波羅、官軍敗績、忠顯走

大日本史 卷一百一十一 列傳

大日本書紀 卷一百一十一 八

歸峯堂高德及村上行村村上行村力戰愈

勵忠顯馳人召還謂高德曰敗卒疲劇難于

再戰且吾營距賊密邇恐致不虞今欲移營

少退以圖後舉何如高德對曰勝敗在運小

衄何患但可進而不進不可退而退此為將

帥之過也赤松圓心僅以千餘人屯山崎三

進三敗猶能固守屯營不退一步而今我殘

兵比賊尚多軍之所據後山前水得守禦之

勝柰何棄之但賊乘我疲來襲未可知也我

請往扼七條橋公亦出兵備之遂率三百人

屯橋西夜半高德望見峯堂炬火漸少意忠

顯棄陣遁將往檢之道遇荻野朝忠朝忠曰

元帥既遁我亦將赴丹波請子與俱高德曰

我從此懦將作事誤矣子先往我當巡視本

營追以相及於是留兵山下獨登峯堂則錦

旗器械委棄狼藉高德大罵曰何不使若人

墮坑塹而死乃收錦旗往與朝忠守高山寺

城及足利尊氏舉兵篠村近郡將士爭附高

大日本書紀 卷一百一十一 九

德惡屬其下、特與朝忠及安達祐秀和田位
田本莊平莊氏等轉自若狹入、與諸將攻六
波羅克之、還歸備前、建武二年飽浦信胤等
據福山城以應尊氏、高德與淺山條就攻之
幾克、遇軍中有叛者戰敗、還據三石城、官兵
稍集、出戰和氣驛、松田盛朝就陣降敵、高德
敗走入熊山城、卽夜又有叛者、導敵入城、高
德與宗族僅免、以事上報、遂匿山中、延元元
年新田義貞遣弟脇屋義助攻舟坂、久不下、

高德聞之、遣人告義貞曰、舟坂險固不易下、
我當以四月十八日揚兵熊山、敵必分衆來
攻、將軍乃分軍爲二、一爲攻狀、以綴敵、一道
三石山南、出其不意、前後夾擊、我卽率兵相
會、則舟坂可舉、舟坂舉則西國何患不附也、
義貞大悅、約以進兵、至期高德夜火其宅、以
二百餘人天明上熊山、敵果出三千人來攻、
山有七道、高德分衆禦之、力戰竟日、逮夜敵
繞嶺奄至、高德以十餘騎當之、重傷墮馬、有

二敵卒馳來斫之、高德從子和田範氏松崎
範家赴救、扶載以歸、創甚幾死、父範長激之
曰、在昔鎌倉景政爲敵射中其目、不拔矢三
日、遂射殺傷已者、汝今小傷、乃委墮、若是何
獲濟大事、高德乃蘇息言曰、速扶上馬、出以
決戰、範長謂其可濟矣、以餘兵十七騎突進、
敵不測其寡、不戰而退、官軍遂拔舟坂、賴此
戰焉、尋範長與高德欲拒飽浦信胤兵、從尊
氏而東者、出陣西川尻、聞敵陷福山城、欲會

脇屋義助、義助既退、乃乘夜踰險、到佐古志
浦、創增劇、範長託之所識僧而行、天既曙、遇
赤松則村、出兵要于嶮隘、呼言亡卒速釋甲
降、範長笑曰、前者足利尊氏以書誘我百端、
皆搯裂投火、今豈隨汝降哉、汝欲得衣甲、當
相與耳、乃以八十三人破圍東出、敵傳呼村
落、報亡卒過、民兵數千人四集射之、範長行
戰十八合、士卒死傷止存六人、範長曰、使我
得舉族而來、當蹂躪而過、今事至此、是我死

日、遂剖腹銜刀而死、高德尋爲備前守、三年、新田義貞在越前、欲發兵攻尊氏於京師、以援男山、高德從在軍中、議曰、嚮官軍敗績、叡山不支、由北賊截路而糧食不給、宜留兵北國、通其運輸、然後遣數千兵往據叡山、日夜以撓京師、是深根固蒂之謀也、然僧徒視吾少衆、猝至、恐致叛貳、宜先送牒狀、覘其向背、義貞大然之、高德卽援筆爲牒、立成、乃齎貽之、延曆寺亦報狀應之、居頃之、義貞戰死、高

德從脇屋義助如伊豫、義助病歿、逃歸備前、困苦竄身、興國六年、招脇屋義治于上野、起兵、先是、荻野朝忠降于足利尊氏、以事怨尊氏、高德因結朝忠、期以竝起、尊氏聞之、發兵攻朝忠于高山寺城、高德于兒島、朝忠出降、高德謂謀不濟、遂擁義治、海路竊入京師、招得義故千人、高德謂使衆聚居、必爲敵發、乃分置近郊、期夜襲尊氏、先期一日、尊氏諜知、遣兵攻其匿在壬生者、衆登屋、雨射、矢盡、悉

太平御覽卷一百一十一 列傳

自殺餘衆聞之散去高德亦與義治奔信濃

後剃髮號志純○西源院本作忠繼正平七年帝將御

男山圖收復京師召高德詔汝趣東北諸國

起兵來援效力襄功在此一舉高德亟往諭

諸將曰今行在危急援兵不至萬一乘輿歿

賊天下之事不可為矣宜速援之於是新田

義宗及小山四郎四郎據諸異本宇都宮公綱桃井

直常上杉憲顯吉良滿貞石塔義房等發兵

來援未至而男山陷矣太平記高德後不知所

終、傳直義並豐高河原會學女之尊乃其歸

土居通治稱二郎得能通言稱彌三郎通言名據

金勝院本竝伊豫人河野氏族也○按土居得能新居高市今井

松木難波江德永高部諸氏皆河野氏支庶

所稱也今檢河野家譜豫章記不載二人名

而對馬守通盛初名通治然與是別自一

人也又按稻葉系圖曰得能通俊通信庶長

子也通俊通綱村通村生通綱通綱生通方

豫章記曰通綱稱又太郎元弘中賜祖通信

管國任備後守更稱河野氏其子孫相續死

王事而嗣絕由是觀之疑二人蓋通綱之子

通方之弟也然無他通治任備後守當後醍

明證姑書以俟考他通治任備後守當後醍

醍醐帝御船上山通治通言同共舉義略地入

大日本史卷一百一十一 列傳

土佐、長門探題北條時直帥戰艦三百餘艘來擊、通治通言與之戰於星岡、大敗之、殺傷無算、時直遁走、於是四國兵士悉來屬、通言乃具舟、將進復京師、會諸軍已收京師、車駕還宮、通治通言乃迎謁于兵庫、因扈從焉、時北條氏遺黨赤橋重時據伊豫、立烏帽子城、通治通言討而平之、尋還伊豫、及足利尊氏犯京師、通治通言發戰艦三百餘隻入援、與足利直義遇豐島河原、奮擊走之、尊氏再闕

闕、通治通言從脇屋義助力拒於湊河、不利、還扈車駕、如延曆寺、尊氏兵來犯、通治通言與仁科氏重春日部時賢等陣白鳥岡、拒之、有功、因進攻尊氏、不利而還、新田義貞奉皇太子往經略北國、通治通言與族通繩○繩或作繩、從之、通言通繩以三百騎殿、行抵鹽津、會天大雪、遂與前軍相失、有敵兵奄至、通言通繩士馬凍餒不能戰、乃與衆拔刀植地、伏其上而死、通治從皇太子居金碕城、城陷之

大日本史

卷一百七十

列傳

十一

日、率兵防其一面、數刻、被創力索、即與眾三
十二人、刳腹而死。太平通治通言驍勇無雙、

能執節始終、人皆歎惜焉。金勝院本通治子

通鄉野○鄉或作理、任備前守、與通言子彈正某

竝勇悍善戰、率勵其族黨、據國制敵、興國中

脇屋義助奉詔來于伊豫、通鄉彈正與大館

氏明、金谷經氏等推義助為主將、益為興復

之計、會義助病歿、細川賴春來攻河江城、通

鄉彈正等從經氏、以軍艦往援、路遇敵兵、與

戰不利、轉取備前鞆城、塞大可島。○西源院本

島守之、敵又來攻、與戰十餘日、聞賴春已陷

河江城、將攻大館、氏明於世田城、乃勸經氏

援之、仍選銳卒三百許從之、與賴春戰於十

町原、眾寡不敵、士卒殆盡、獨通鄉彈正等十

餘人與經氏衝圍走備後。太平不知其所終、

大日本史卷之一百七十終

大日本史

卷一百七十

列傳

十一

二年赴肥後居菊池郡子孫因家焉世為著
姓武時六世祖能隆承久之役奉敕勤祖

武房文永弘安間擊蒙古賊有功菊池系圖

武朝申狀○系圖云隆家生政則政則長而

勇武隆家為太宰權帥從赴任寬仁三年刀

伊賊犯西陸政則禦之有功救九州將士聽

其指揮賜錦旗及御製歌褒之是為則隆父

按小右記朝野羣載備載禦刀伊賊者之名

氏而無政則且尊卑分脈武朝申狀並不載

政則故隆盛生時隆及武時時隆與叔父

不取武本爭地訴之鎌倉北條氏判歸地於時隆

武本憤之遂與時隆相刺死武時因嗣焉系圖

後削髮號寂阿系圖武朝申元弘三年帝幸

船上武時與少貳貞經大友貞宗協謀勤王

密奏行在帝嘉犒賜錦旗以勵其義鎮西探

題北條英時在博多聞其謀召武時武時覺

事洩乃使告少貳貞經大友貞宗出兵戮力

貞宗顧望未時答貞經亦聞王師數敗于京

師疑懼不安遂斬武時使者送首英時武時

悔怒曰恨為豎子所前却今吾出兵豈假手
汝輩邪即率家兵百五十人而出比過櫛田

祠馬跼不進武時罵曰我赴戰神何得咎騎
過哉取雙鏑矢連射祠扉於是馬行如初人
後見巨蛇中矢死祠中云○按天正本太平
記云武時過櫛田
祠之前經阿蘇祠下取一天謁神為歌以
必死自誓事似復出諸本不載故今不取武
時進攻北條英時兵皆輕死鋒銳英時窘迫
將自盡會少貳貞經大友貞宗率數千兵赴
援武時度不可克乃分兵五十附長子武重
誠曰我今赴義授命固其分也汝急還國完
城聚兵以報乃父之讎武重固請同死不許

揮淚而去武時遂督餘兵冒陣歿太平時年

四十二系圖帝還京師錄諸臣功新田楠名和

等皆陪席楠正成進奏曰元弘之勲勞實難

辨優劣然而如臣等僥倖承恩如武時應救

致命者宜為功臣第一帝頷之武朝申狀武時十

五子武重武敏賴隆武茂經重隆舜武吉武

光武義武尚武豐武士武隆武澄武方系圖

武重稱二郎任肥後守菊池系圖後為左京

大夫系圖元弘三年武時攻北條英時命武重

自軍中還為再舉計、亡何少貳貞經起兵討英時、遣使來告、武重謂彼既誑吾父、我今可
 以報、荅曰、審欲誅英時、可臨陣相見耳、遂斬其使、
正本彼既以下、據天、建武中從新田義貞討足利尊氏、與足利直義戰于箱根、武重先登破敵、既而官軍敗于竹下、士卒星散、義貞欲引還、患兵少、賴武重全軍至、遂得俱西還、尊氏犯關、武重從義貞禦于大渡、不利、遂護車駕至延曆寺、又從脇屋義助、攻舟坂山有功、

後帝被尊氏紿還京、武重亦為所拘囚、伺守者弛遁還、
記太平集兵勤王、延元二年一色範氏來侵肥後、武重與阿蘇大宮司宇治惟澄逆戰于犬冢原、敗之、惟澄斬一色賴行、尋圍賊于合志城、屢破之、
澄宇治惟澄申狀、武重無子、養弟武士為嗣、武敏為掃部助、
系圖○太平起兵本國、遙應官軍、足利尊氏之西走、少貳貞經遣子賴尚帥眾迎之、武敏偵知、發兵三千餘、要之水木渡、賴尚既濟、乃擊殲其後軍、
太平記

大日本史 卷一百七十一 河傳

貞經留據太宰府府中兵寡參取梅松論太平記武敏

將襲貞經貞經出陳筑後武敏接戰敗之進

攻太宰府悉焚其器械梅松論貞經退保内山

圍之數日會貞經族人有欲歸順者迫貞經

自殺武敏乘勢攻尊氏于筑前尊氏與弟直

義逆戰多多良濱武敏敗退尋而敵將一色

範氏仁木義長來攻武敏不能支僅匿山而

免太平記及尊氏退復起兵與今川藏人戰于

唐川豐福等處小代氏文書賴隆稱三郎從父攻

北條英時俱戰没武茂為對馬守經重稱八

郎隆舜剔髮稱阿日房為筑後守護代從父

戰没系圖武吉稱七郎湊河之役從在長兄武

重軍時楠正成拒尊氏于須磨浦武重遣武

吉往覘勝敗至則遭正成軍既敗將自殺太平記

記見武吉至曰正成力盡就死吾子幸還報

之武吉曰此豈男子生還之時哉共劃腹而

死今川家毛利家北條家南都本太平記○

之武義稱彥二郎系圖後削髮稱自關天授中

大日本史 卷一百七十一 河傳 五

大日本史 卷一百七十一 列傳 五

與大内義弘戰于蜷打死之武朝申狀武士為武

重所養稱二郎為肥後守系圖及武重卒往來

肥筑之間屢攻敵軍由是二國官軍無生異

心武朝申狀無幾削髮出家武隆任肥前守生武

信武明世有戰勲武澄肥後守系圖

武光初稱豐田十郎以武士早辭家務武光

襲職任肥後守又為肥前守遵父兄訓竭心

王室系圖初後醍醐帝命懷良親王為征西大

將軍出鎮筑紫阿蘇社文書興國中武光迎親王

于肥後奉之參取武朝申狀與大友氏時少

貳賴尚連歲構兵屢克之參取系圖宇治惟

圖正平十三年擊一色直氏及弟範光于筑

前走之聲勢大振賴尚氏時諸豪族望風從

屬足利義詮聞直氏等敗大懼復遣其將細

川繁氏率兵來攻道病死賴尚氏時雅慚為

武光所指揮潛圖應繁氏聞其死而寢會武

光將兵五千擊畠山國久于日向六笠城氏

時遂據高碕城畔宇都宮宏知肥田正員應

大日本史 卷一百七十一 川傳 下

之肥田見行本太平記、扼豐前、筑後、隘、斷武

光歸路、武光以氏時無能為也、先往攻國、久

子重隆于三股城克之、國久懼、棄六笠城、與

重隆俱遁、武光乃旋師、氏時等見其鋒銳、畏

縮不出、武光欲與賴尚及阿蘇大宮司宇治

惟時惟時據阿蘇社文書合兵討氏時、而未知二人亦

有異志、親以五千人先趨高碕城中、道聞賴

尚集兵據太宰府、惟時結九寨于小國、寨後

乃還軍擊惟時、悉破其九寨、斬首三百餘級、

惟時僅以身免、明年奉懷良親王明年據提

兵八千餘騎討少貳賴尚、軍高良山、柳坂、水

繩山等處、賴尚率兵六萬來逆、隔筑後川陣、

武光督手下兵五千、先渡薄之、賴尚不戰、退


里許、壁于大原、武光追至、敵已鑿斷徑路、前

阻泥澤、不可輒進、初賴尚在古浦城、為一色

直氏所攻、武光赴援、得免、賴尚德之、誓曰、子

孫七世無畔、菊池氏血書以遺焉、於是武光

取其誓文、揭於旗竿、以辱賴尚、相持踰月、武



光夜遣子武政、姪武信、武明及赤星武貫等精兵七千人，分爲三隊，沿筑後川，乘水聲進。又簡壯士三百人，夜緣間道掩敵背，發喊雨射，敵衆駭愕，部伍大擾，自相鬪擊，死者相枕。夜已明，武政將兵一千先登，斬賴尚子忠資及其裨將三人，武明死之，武信、武貫將兵一千繼進，與敵兵二萬遇，殊死戰，獲首七百級。虜忠資弟賴泰、武貫及結城親昭、加藤宗高等戰死三百人，懷良親王暨武光將兵三千。

大呼直擣敵中堅，飛矢如注，親王身被三創，幾危，朝官數人禦敵死之。親王賴而得脫，世良田大膳大夫某等亦戰歿。武光、武政勵聲督衆，身先將士，奮力鏖戰，敵識武光，叢矢雨射，馬傷而蹶，乃易之，縱橫馳突，當敵凡十七合，所著冑被斫墜地，頭中兩刃，馬又傷危急，有一敵將薄之，馬上相搏俱下，武光遂斬其首，上其馬。蒙冑復進，自卯至酉，斬獲三千餘。賴尚大敗走。十六年，又與新田族奉懷良親

大日本史 卷一百七十一 列傳

王帥兵五千餘、軍博多、少貳賴尚及大友氏
時等二萬五千人來拒、陣香椎、松浦黨三千
人據飯守山、擬擣武光後、相持涉旬、武光族
城越前守金勝院本作重經或親廉密遣游僧、問松浦黨
曰、軍中多謀、應武光者、於是越前守以兵千
人、黎明至山下、謹呼敵眾、素相疑、莫復鬪志、
爭先逃散、追斬略盡、武光喜謂松浦黨兵勁、
為難猝捷、今已克之、破少貳大友輩、在指掌
中矣、明日與親王進攻香椎、氏時賴尚等聞

松浦黨敗、大懼、空壁潰散、軍資器仗、盈積道
路、明年足利義詮以斯波氏經為九州探題、
至豐後、武光遣弟武義、將城越前守等五千
人往攻之、氏經使子松王丸、率賴尚氏時、及
宗像大宮司等七千人、逆戰于長者原、武義
兵敗、身被三創、退里許、越前守奮戰、斬敵將
對馬賴資、資俊等四百餘級、賴資資俊據少貳家譜敵
乃敗走、武光繼至、與武義合兵、追至豐後府、
氏經氏時退保高碕城、賴尚宗像大宮司亦

日本史 卷一百七十一 列傳 九

大日本史 卷一百七十一 列傳 九

各嬰城固守、武光駐軍豐後府、分遣兵士攻之、相持三歲、十九年先是大内弘世奉旨平周防長門敵、因鎮撫焉、至是叛附于義詮、義詮乃罷其長門守護厚東駿河守某、使弘世領二國如故、駿河守怨之、遂來降武光、請假兵討弘世、弘世率兵三千至豐後、○諸本或作豐前武光與駿河守擊破之、弘世乞降而去、太平記二子武政、良政、武政嗣任肥後守、系圖奉懷良親王、鎮撫九國、武朝申狀文中三年卒、年三十五、

花營三代記、三十五據系圖、子武朝嗣、年僅十二、武朝申狀為

肥後守、任左京權大夫、系圖天授中今川貞世

來侵肥後、武朝將兵戰于水島、敗之、二歲而

鎮西略平、乃奉將軍宮進陳筑前府、於是貞

世弟仲秋發兵將來攻、武朝遣武國、逆戰于

博多、却之、武朝申狀○按本書稱將軍宮者、蓋懷良親王之子良宗也、而今無

他可證、姑從舊文、三年大内義弘率豐前豐後兵來

攻、武朝逆擊、大戰于蜷打、我師敗績、植田宮

遭害、菊池武義、武安等死之、參取武朝申狀、後愚昧記、○後

大日本史 卷一百七十一 列傳 十

大日本史 卷一百七十一 河內傳 十一

愚昧記曰、植田宮者故宮僧正子、按宮僧正未詳何人、疑懷良親王之族也、植田宮諱闕、

今無考、武朝引還、四年貞世復帥眾至託摩原、

武朝戰敗被創、多亡族人、會將軍宮帥兵來

援擊、貞世走之、弘和初討族人叛、據守山者

平之、武朝應永四年、菊池族與少貳千葉大

村等起兵、為大內義弘所敗、應永十四年武

朝卒、年四十五、法名常朝、稱神德寺三子兼

賴、武楯、英朝、兼賴嗣為肥後守、系圖、應永十四年據武朝

申狀、天授四年歲十六之文、推之、○按系圖一本兼賴作兼朝

結城宗廣、姓藤原、曾祖朝光為源賴朝所親

昵、父曰祐廣、稱彌七左衛門、尊卑分脈、居陸

奧之白河、因稱白河結城、以別本宗、居下總

者、結城家譜、宗廣為上野介、薙髮號道忠、結城家譜、結城

文書、太平記、○按金勝院西源院本、北條高

太平記及一本結城家譜作源秀時執僧圓觀附之、宗廣配錮其邑、無幾宗廣

又從關東軍于笠置、元弘三年帝幸船上、四

方多勤王者、太平記時宗廣在鎌倉、子親光從

事京師、應護良親王令歸順、令旨傳至鎌倉、

大日本史 卷一百七十一 河內傳 十一

大日本史 卷一百七十一 十一

宗廣即與弟片見祐義田島廣堯等舉兵應

新田義貞俱攻鎌倉克之遣使奏捷結城文書及

車駕還京宗廣以圓觀詣闕詔食邑如舊太平

記追加賜陸奧宇多莊結城文書乃與鎮守府大

將軍源顯家俱奉義良親王還定陸奧元弘日記

裏書宗廣為評定眾建武二年記佐國政安輯郡縣

元弘日記裏書及足利尊氏反帝幸延曆寺與顯家

從義良親王入援參取神皇正統記太平記攻園城寺屢

戰于京師遂破尊氏既而諸國復叛從顯家

東還鎮撫太平記延元二年國內兵起顯家奉

義良親王走保靈山城元弘日記裏書宗廣從

焉白河文書別遣兵守熊野堂城為靈山援相馬文書

帝賜書賞其老年從事白河文書再從顯家攻鎌

倉抵柰良顯家與諸將士議軍所向宗廣曰

我軍累捷已開入京之路而猶憚賊不得過

黑地橋持此詣吉野懦亦甚矣當直襲京師

一掃兇徒不濟則暴屍王城耳顯家然之未

發敵將桃井直信等來攻顯家戰沒宗廣奔

大日本史 卷一百七十一 川傳 十一

吉野方是時、新田義貞死北國、源顯信棄男
山、朝廷震驚、不知所為、宗廣奏、顯家三年之
間、再發大衆入援、以陸奧出羽固服威令、無
一人之圖後也、請今因民心未變、遣一皇子
建號明令、懲逆獎順、畧定之功、何患不濟、臣
按地圖、陸奧五十四郡、殆當日本之半、可得
兵四五十許萬、臣願華首戴胄、祇奉皇子、發
郡民而復京師、不出一年、洗雪前恥矣、朝議
可之、敕又奉義良親王、與準大臣源親房、親房

據元弘日記裏書及顯信俱適陸奧、諸軍度敵梗陸

路、悉會伊勢、發舟大湊、○西源院本至天龍

灘、遇颶風起、船艦四散、宗廣船漂七日、抵安

濃津、○今川家本毛利候風十餘日、嬰病瀕

死、有僧來問曰、死迫矣、唯唱佛名、莫有他也、

儻有所遺囑、傳諸貴息、宗廣目將瞑、聞之、挺

起、笑曰、我生七十、百事完足、莫復遺念、但不

得滅賊而就死、多生曠劫、是之為恨、煩以我

言傳賤子親朝、謂勿以供佛施僧為、勿以稱

刺而斃時人甚嗟惜焉太平記曰○按天正之本
戰大友貞載降于足利尊氏反射官軍由此
大敗帝惡之甚於尊氏至車駕幸延曆寺又
以貞載為言親光廼謀刺貞載梅松論曰親
光追謁帝請曰嚮官軍討鎌倉當一戰勦賊
也而大友貞載於途翻兵是以不得濟功致
使陛下至此臣深惡之願今還留降之刺以
報陛下矣帝義而許之若臣垂泣悵然而去
親光還入遇貞載於東寺輒就乞降貞載許
之約曰往近將軍營卿當脫甲親光諾脫刀
而進詐為欲授之狀就而斫之因與交搏遂
遇害其族同死者十餘人貞載
傷重亦踰日而斃未知孰是

大日本史卷之一百七十一終

